

SIARAN AKHBAR
Untuk Siaran Segera
11 Ogos 2026

SD Guthrie Menjana RM418.5 Juta Melalui Jualan Tanah di Kulai kepada Sime Darby Property

Transaksi melibatkan dua lot tanah di Ladang Kulai milik Guthrie, terletak secara strategik dalam Zon Ekonomi Khas Johor-Singapura (JS-SEZ).

Petaling Jaya, 11 Ogos 2026 – SD Guthrie Berhad (Guthrie) telah memeterai Perjanjian Jual Beli bersyarat dengan Sime Darby Property (Kulai) Sdn Bhd, anak syarikat milik penuh Sime Darby Property Berhad, bagi penjualan kira-kira 556.96 ekar tanah berstatus pegangan bebas di Ladang Kulai, Johor Darul Ta'zim, dengan jumlah balasan tunai kira-kira RM418.5 juta.

Transaksi ini melibatkan dua lot tanah yang terletak secara strategik dalam Zon Ekonomi Khas Johor-Singapura (JS-SEZ) dan telah dizonkan untuk pembangunan perumahan. Kawasan tersebut yang pada ketika ini sudahpun tertanam dengan pohon sawit matang, mempunyai potensi pembangunan yang tinggi berikutan lokasinya yang berhampiran dengan infrastruktur utama serta pertumbuhan aktiviti ekonomi yang semakin pesat di Johor.

Penjualan ini membolehkan Guthrie merealisasikan nilai aset strategiknya sambil menyokong pembangunan masa depan di salah satu koridor pertumbuhan paling berpotensi di negara ini.

Untuk maklumat lanjut, sila layari www.sdguthrie.com.

Mengenai SD Guthrie Berhad

SD Guthrie Berhad (Guthrie) ialah syarikat global terkemuka dan bertanggungjawab dalam sektor pengeluaran Minyak Sawit Disahkan Mampan (CSPO). Dengan tenaga kerja melebihi 83,000 orang, kami memenuhi keperluan pengguna dan pelbagai jenama makanan di 86 buah negara. Minyak sawit yang kami hasilkan adalah bebas daripada penebangan hutan dan boleh dikesan sumber asalnya. Dengan sejarah penubuhan melangkaui 200 tahun, kami kini merupakan peneraju inovasi yang membangunkan generasi baharu robotik serta penyelesaian berasaskan teknologi bagi sektor minyak sawit dan perniagaan tani.

Kami turut memenuhi permintaan bagi tenaga boleh diperbaharu melalui pembangunan projek solar dan taman perindustrian berprestasi tinggi, sambil memanfaatkan kepimpinan kami dalam kelestarian untuk membina lebih banyak kejayaan serta perniagaan yang siap siaga menghadapi masa depan.

Kelestarian adalah teras kepada segala yang kami lakukan. Sebagai syarikat minyak sawit pertama dunia dengan sasaran pengurangan gas rumah hijau bersih-sifar yang diluluskan oleh Science Based Targets initiative (SBTi), kami melangkaui dan meningkatkan penanda aras sedia ada melalui rangka kerja kelestarian Beyond Zero, demi memacu perubahan yang bermakna dalam sektor industri kami.

Guthrie mengendalikan 232 ladang sawit di Malaysia, Indonesia, Papua New Guinea, dan Kepulauan Solomon, yang disokong oleh 10 kilang penapisan dengan jumlah kapasiti tahunan sebanyak empat juta tan metrik. Kami menghasilkan 12% daripada jumlah keseluruhan CSPO di dunia. Kami juga

menghasilkan dan menjual pelbagai derivatif minyak sawit seperti oleokimia, biodiesel, dan nutraseutikal, serta giat membangun dan mengkomersialkan benih sawit berprestasi tinggi dan lebih berdaya tahan terhadap cabaran perubahan iklim.

Disenaraikan di Bursa Malaysia (KLSE: SDG) dengan modal pasaran sebanyak RM47.23 billion (USD11.54 billion) setakat 10 Ogos 2026, Guthrie adalah salah satu syarikat strategik milik Permodalan Nasional Berhad, syarikat amanah saham terbesar di Malaysia dan pemegang saham utama kami. Kami turut disokong oleh beberapa institusi pelaburan besar yang lain seperti Kumpulan Wang Simpanan Pekerja (KWSP) dan Kumpulan Wang Persaraan (Diperbadankan) (KWAP).

Untuk maklumat lanjut, sila layari www.sdguthrie.com

Atau Hubungi:

- **Michael Murty, Korporat Komunikasi**
Tel: +6016-326 8373 | E-mail: michael.murty@sdguthrie.com
- **Azneal Azam, Korporat Komunikasi**
Tel: +6016-337 6160 | E-mail: azneal.azam@sdguthrie.com